

(106. Sed hoc statutum de convocanda generali Synodo anniversaria fuit postea mitigatum.

(107. Concilium Provinciale auctoritate cedit Conciliis Nationalibus.

(108. Sicuti pariter indubitatum est, Provinciale Concilium auctoritate præstare Synodis Diocesanis.

(109. Licet constet, primis ut minus octo sæculis Concilia præsertim Generalia convocata fuisse per Imperatores, uti perspicuum est ex literis, quibus ipsi præfata Concilia indixerunt, et quemadmodum inter alios notavit Edmundus Richerius in Historia Conciliorum; nihilominus et hoc constat, sæculo IX. et sequentibus credi cœpisse hanc convocandorum Conciliorum auctoritatem penes Apostolicam Sedem esse.

(110. Ita ut inter speciales prærogativas Romano Pontifici competentes hæc recensentur, sicuti colligitur ex Dictato vulgo Gregorii VII. ubi dicitur: *Quod nulla Synodus absque præcepto Summi Pontificis debet generalis vocari.*

(111. Verum uti et notat D. Fleury in sua *Historia Eccl. lib. 63. num. 11.* quum hæc doctrina, prout ex falsis Decretalibus extracta, sit pristinae disciplinæ omnino contraria, infertur quod hæc Romani Pontificis prærogativa circa convocanda Concilia admitti cœperit solummodo, postquam in auctoritatem receptæ fuerunt falsæ Decretales. (1)

ADDITIONES CASINENSES.

(112. Uti Concilium Generale sive OEcumenicum dici possit, non sufficit tantum evocatio generalis, si adeo pauci conveniunt, ut major meliorque pars provinciarum exelusa videatur, præsertim si legitima causa abfuit, quominus omnes convenire possent. Unde necesse est, ut etiam congregatio aliquo modo generalis sit; sed si per malitiam hominum vel per negligentiam, aut aliam quamlibet occasionem una vel alia provincia desit, nihilominus Concilium pro Generali haberi debet, et sic tota Ecclesia OEcumenicas semper existimavit Synodos Nicænam, Ephesinam, Constantinopolitanam, Chalcedonensem, ubi multorum Episcoporum nomina defuerunt. Melchior. Can. *De Loc. theolog. lib. V. cap. 3. pag. 147. edit. Bassan. 1746.* In antiquis autem Conciliis OEcumenicis in Oriente celebratis putatum est sufficere, si solus Rom. Pontifex ex Occidente adesset; nam cum ipse sit Occidentis Patriarcha, jure representat totam Occidentalem Ecclesiam. Romanus Pontifex

(1) Cum Concilia Generalia universam representent Ecclesiam, ideo consequitur illa formaliter et auctoritative indicare posse eum solum, qui jure divino universæ præsidet Ecclesiae, quique auctoritatem in universam habet Ecclesiam, nec non in omnibus Episcopos (omnes enim sunt vocandi) auctoritatem exercere potest. Atqui unus Rom. Antistes hæc præstare potest. Talis enim est vis et natura Primatus Rom. Antistitis. Vt ergo sui Primatus ad unum spectat Rom. Antistitem Concilia Generalia formaliter et auctoritative indicare. Diximus formaliter et auctoritative, quia novimus Imperatores partem ali-

vero omnino adesse debet, vel per se, vel per legatos suos ut Concilium OEcumenicum dici possit, et sic semper tenuit Ecclesia: ita ut non putaretur OEcumenica Synodus quælibet, etiam frequentissima ubi Pontifex non adesset; unde Cl. Bossuet non dubitavit asserere Concilium ipsum complecti Papam et quidem tamquam caput. *Lib. 10. Defens. c. 23. t. 2. pag. 227.* Nam sicut caput est necessarium integritati corporis, ita Papa, cum sit caput corporis Ecclesiae debet necessario adesse in Concilio OEcumenico, quod totam Ecclesiam representat.

(113. Addere aliqua lubet iis, quæ dicit Auctor de jure RR. Pontificum in confirmatione Conciliorum, et in primis commemorare oportet regulam, quam adfert Socrates *Histor. lib. 2. cap. 8. pag. 74. edit. Taur. 1747.* inquiens: *canon ecclesiasticus vetat, ne decreta absque sententia Episcopi Romanæ Ecclesiae sanciantur; et c. 17. pag. 83.* De Nicæna Synodo, vero vide Christianum Lup. *schol. c. 9. app. t. 1. p. 281. edit. Venet. 1742.* et Bertium *Hist. Eccles. t. 3. dissert. 1. cap. 1. et 18. pag. 29. et seq. edit. Bassan. 1768.* De Constantinopolitanis et Ephesinis Concilii approbatione consultare potes Bianchium *della potestà e della polizia della Chiesa l. 2. c. 3. §. 11. n. 3. et seq. t. 4. p. 556.* Patres IV. Concilii OEcumenici in relatione ad S. Leonem eorum quæ in Synodo gesta fuerant, *tom. 4. Concil. col. 1778 collect. Labæi edit. Venet.* « Et aliqua quædam, inquirunt, pro rerum ipsarum ordinata quiete, et propter ecclesiasticorum statutorum definitivum firmitatem, scientes quia et vestra Sanctitas ad discens et probatura et confirmatura est eadem. » Item Marcianus Imperator ad eundem S. Leonem 6. *inter Epist. S. Leonis 100. opp. tom. 1. col. 1114. edit. Ballerin. Venet. 1733.* et Anatolius Episcopus Constantinopolitanus *ib. Epist. 101. c. 5. col. 1134. et epist. 132. c. 5. col. 1134. et epist. 132. c. 4. col. 1263.* Et sic, inquit, *gestorum vis omnis, et confirmatio auctoritati vestræ Beatitudinis fuerit reservata.* Leo vero confirmavit Chalcedonensis Concilii decreta tantum quoad ea, quæ de fide fuerant constituta, reprobando privilegia concessa Ecclesiae Constantinopolitanæ, uti ex literis ad Anatolium et Marcianum *cit. t. 4. Conc. col. 1785. seq.* atque ad Synodum universam *ib. col. 182. et epist. 117. ad Julianum Coensem col. 1208. tom. 1. opp. S. Leon edit. cit. Vigilius Papa confirmavit V. Synodum. Evagr. hist. Eccles. lib. 4. c. 38. pag. 379. edit. Taurin. 1748.* et Vigilius epistola Decretalis *apud Labæum tom. 6. Concil. col.*

quam in convocandis Conciliis aliquando habuisse; sed quæcumque demum pars Imperatoribus erat, ea non est ex nativa et insita iis auctoritate, verum vel ex hortatu et consilio, vel ex tacito aut expresso consensu Rom. Antistitem. Res enim est facti, Imperatores consilio et auctoritate RR. Antistitem priora octo Concilia indixisse: De jure ergo et de facto ad unum Rom. Antistitem spectat Concilia Generalia convocare. Qui ergo fieri potuit, ut ex falsis Decretalibus hæc doctrina sit repetenda? cum Decretales, de quibus agit Fleury, antiquiores non sint octavo vel nono sæculo. (*Nota Casin.*)

239. seq. de qua vide Dissertationem 6. de Marca *ib. col. 243. seq.* Concilii VI. confirmationem petierunt Patres his verbis: « Quam ut iterum per honorabilia vestra rescripta confirmetis, vestram oramus paternam sanctitatem. »

(114. Quoad ea, quæ noster Auctor tractat de fallibilitate definitionis Concilii Universalis ante Pontificis confirmationem, observat Melchior Canus, quod tres casus occurrere possunt, cum intersunt Concilio Apostolici Legati instructi et moniti prius de Ecclesiae Romanæ fide circa ea, quæ sunt in Concilio tractanda, uti fieri solet, quamvis propter multiplices quæstiones, quæ agitantur erant, locum habere non potuit in Tridentino Concilio. Cum ergo legati tali auctoritate muniti in Concilium conveniunt, 1. fieri potest, quod Concilium Legatorum doctrinæ repugnat, vel e contra; in tali casu certum est, quod talis doctrina incerta est, et imbecilla cum sit reprobata ab Apostolica auctoritate. 2. Quod Legati agant contra instructionem Apostolicam, et tunc Concilii definitiones non gaudent Pontificis et Romanæ Ecclesiae approbatione, et eundem valorem habent, ac si Rom. Legati Concilio non interfuissent; nam ipsi tunc non agunt ex potestate delegata; unde Agatho Papa actione 4. sextæ Synodi: « Auctoritatem, inquit, eis, hoc est legatis, dedimus, in quantum eis dumtaxat injunctum est, ut nihil præsumant augere, minuere, vel mutare, sed traditionem hujus Apostolicæ Sedis sinceriter enarrare. » Et Leo *epist. ad Pulcheriam Augustam.* « Lucen-tium, inquit, Episcopum, et Basilium Presbyterum dirigere præparavi, qui dispositiones meas secundum eas, quas acceperunt regulas exequantur. » 3. Quod Legati accedunt ad Concilium sine prævia instructione, et tunc etiam Synodi decreta valida haberi non possunt, nisi Apostolica auctoritate confirmentur, ut in *epist. 51. Leonis ad Anatolium, 52. ad Martianum, 53. ad Pulcheriam, et 59. ad Concilium Chalcedonense,* et videre potes, si lubet, cætera Cani argumenta quoad ea, quæ ad fidem attinent. Sed si Legati ad Concilium accedunt instructi et moniti de Ecclesiae Romanæ fide, et Synodi patres definiunt secundum Pontificis instructionem, vix dubitari potest, tales definitiones errori obnoxias esse posse, et afferemus hic verba Cardinalis Bellarmini, cujus tanta est auctoritas in tali materia: « De quarto modo, scilicet de isto ultimo casu, vix dubium esse potest, videtur enim esse certum, tale Concilium non posse errare; primum enim in tali Concilio invenitur expressus consensus capituli et membrorum, ac proinde totius Ecclesiae, quæ sine dubio errare non potest neque obest, quod instructio illa a Pontifice data non videatur definitiva sententia Apostolicæ Sedis; nam quando Concilium consentit cum Pontificis sententia, formaturque decretum a Legatis nomine Pontificis, tunc incipit esse sententia definitiva et ultima, non solum Concilii, sed etiam Pontificis, nec potest Pontifex eam retractare: nam certo intelligit, sententiam suam fuisse a Deo, quando

a Concilio approbatur, ut dixit B. Leo in *epist. 63. ad Theodoretum:* *Quæ, inquit, Dominus nostro prius ministerio definierat, universæ fraternitatis irretractabili firmavit assensu, ut vere a se prodire ostenderet, quod prius a prima omnium sede formatum totius Christiani orbis judicium recepit, ut in hoc quoque capiti membra concordent.* » Bellarm. *Disp. de contro. Christ. Fid. tom. 2. de Concil. et Eccles. lib. 2. cap. 11. col. 85. edit. Parisiis 1613.* Unde Concilium Chalcedonense in *epist. ad S. Leonem act. 3.* expresse dicit, se confirmationem a Leone petere, quia præter Decretum fidei erant alia quædam, quæ statuta fuerant non petita Pontificis sententia; et ipse Leo in *epistol. 1117. ad ipsum Concilium Operum S. Leonis tom. 1. col. 1193. edit. Baller. Venet. 1753.* « Ne ergo, inquit, per malignos interpretes dubitabile videatur, utrum quæ in Synodo Chalcedonensi per unanimam vestram de fide statuta sunt, approbem, hæc ad omnes fratres et Coepiscopos nostros, qui prædicto Concilio interfuerunt, scripta direxi, quæ gloriosissimus et clementissimus Princeps, sicut poposci, in notitiam vestram mittere pro catholicæ fidei amore dignabitur; ut et fraterna universitas, et omnium fidelium corda cognoscant, me non solum per fratres, qui vocem meam executi sunt, sed etiam per approbationem gestorum synodali, propriam vobiscum unisse sententiam. » Advertere tamen oportet, quod quamvis Concilia ista ante confirmationem errare non possunt, cum Patres consentiunt Romanæ Sedis doctrinæ, tamen confirmatio Pontificis semper necessaria est, ut fideles certiores fiant de legitimitate definitionis Concilii, uti patet ex præcatis S. Leonis verbis.

ARTICULUS II.

De his, quæ concernunt concilium provinciale.

(1. Concilium Provinciale (sic dictum ex quo representet Ecclesiam unius Provinciae per Abb. in *cap. Grave in fin. de Præbend.*) (2. est Consensus Episcoporum Provincialium coactus ab habente potestatem congregandi, vocatis vocandis de Jure, vel de consuetudine. Quarant. in *Summ. Bullar. verb. Concilium Provinciale 2. Navarr. cons. 4. num. 3. de verb. significat.* et re coincidit cum dictis *supra art. 1. n. 5.* (3. Indicere autem, convocare, et celebrare hoc Provinciale Concilium spectat ad Metropolitanum; *cap. si Episcopus 13. cap. si quis Episcopus 14. et cap. propter 15. dist. 18. cap. Quod sicut præterea, de election. cap. sicut olim 25. de accusationibus, Concil. Trid. sess. 24. cap. 2. de reformat.* (4. Etiam sine auctoritate Primatis, seu Patriarchæ; *cap. de Concil. 2. dist. 18. et ibi Præpositus num. 2. Fagnan, in d. cap. sicut olim 25. de accusat. num. 5.* (5. Et hæc Concilii Provincialis convocatio debet fieri a Metropolitano, seu Archiepiscopo pro ipso, non autem per Vicarium Generalem; textu expresso in Concilio Tridentino *loco cit. ibi: Quare Metropolitanus per seipsum etc.* (6. Metropolitano autem legitime impedito, convocatio Concilii spectat ad Coepiscopum an-

tiquirem, ut litera expressa Concil. Trident. loco citato ibi: *Seu illis legitime impeditis Coepiscopus antiquior.* (7. Et sic etiam ad Coepiscopum antiquiorem spectat convocatio Concilii Sede Metropolitana vacante, et non ad Capitulum Metropolitanam, seu ad eisdem Metropolitanam Vicarium Capitularem; et sic expresse declaravit Sacra Congregatio ejusdem Concilii in *Tarraconensi* 13. Maii 1604. Idem quippe est Archiepiscopum esse impeditum, et non inter vivos. Bottæus de Synodo par. 1. num. 43. Archidiacon. et Gemin. in cap. placuit; Bellarmin. et Turrecremata in cap. propter Ecclesiasticas num. 8. Præpositus in cap. de Conciliis 3. notabili, dist. 18. Quaranta in *Summa Bullarii verb. Concilium Provinciale* num. 2. Fagnan. loc. cit. num. 17. Barbosa ad *Concilium Trident. sess. 24. cap. 2. num. 4.* et alii passim. (8. Licet enim antiquitus ante Tridentinum, Capitulum Metropolitanam Sede vacante convocaret Concilium Provinciale, ut docent Pavin. de *Potest. Capitul. Sede vacante part. 1. quest. 7. sub. num. 3.* Bott. de *Synodo Episcoporum par. 1. num. 43.* Quarant. loc. cit. Petra tom. 1. commentar. ad *Constitut. unic. Honorii secundi sect. 1. sub. num. 13.* et alii; (9. Tamen post Tridentinum cessavit potestas Capituli Metropolitanam Sede vacante celebrandi Concilium Provinciale, ac Suffraganeos convocandi, et demandata est Coepiscopo antiquiori; ut patet ex supra citata declaratione Sacrae Congregationis ejusdem Concilii in *dict. Tarraconensi.* Quaranta in *Summa Bullarii verb. Concilium Provinciale* num. 2. in fine; Barbosa loco cit. num. 4. Petra loc. cit. sub. num. 23. Fagnan. Turrecremata, Archidiacon. Gemin. Præpositus *locis citatis sub. num. 7.* et alii passim. (10. An autem convocare Concilium Provinciale absente, vel impedito, seu mortuo Archiepiscopo, spectet ad Episcopum antiquiorem ex Suffraganeis, aut ad Episcopum exemptum, qui cum non ut Suf-

(1) Quoad obligationem Episcoporum exemptorum, et Sanctæ Sedi immediate subditorum, eis indictam a Concilio Tridentino *sess. 24. de reformat. cap. 2.* sibi eligendi Metropolitanum, ad cujus Synodum Provinciale accedere teneantur, et quæ ibi ordinata fuerint, observare, et observari facere, Benedictus XIV. de *Synodo Diocesana lib. 15. cap. 8. n. 15. et sequ.* hæc refert: Tridentinæ sanctionis habita fuit ratio in Concilio Romano coacto an. 1725. Cumque eidem aliqui Episcopi interfuisent, qui a Metropolitanam jurisdictione immunes, et Sanctæ Sedi immediate subjecti, Archiepiscopum sibi non delegerant, ad cujus Synodum Provinciale accederent, jussi sunt, Canonicis etiam pœnis indictis, electionem hujusmodi statim perficere. Idemque absentibus significatum fuit, ac insuper particularis instituta Congregatio, quæ Decretum hac de re conditum exequendum curaret. Hæc Congregatio habita fuit die 28. Maii ejusdem anni 1725. editaque ab ipsa sunt consultissima Decreta, quæ, cum a nullo adhuc, quem sciamus, Auctore impressa fuerint, optimum ducimus ea huic capiti inserere:

Examinato diligenter Decreto Sacri Concilii Tridentini *sess. 24. cap. 2.* de electione Metropolitanam per Episcopos, qui nulli Archiepiscopo subjiciuntur, et ad effectum perducenda, concordibus, et uniformibus votis fuit relatum, ut sequitur.

Primo, Archiepiscopos, qui non habent Suffra-

fraganeus elegit intervenire in Concilio Provinciali talis Metropolis, est antiquior omnibus Suffraganeis? Respondetur spectare ad antiquiorem ex Suffraganeis, non autem ad exemptum eligentem, etiamsi antiquiorem; sic teste Eminentiss. Petra loc. cit. num. 31. resolvit Sacra Congregat. Concil. in *una Burgen. die 17. April. 1649.*

(11. Ad Concilium Provinciale vocandi sunt, et admittendi omnes Episcopi Suffraganei cum voto decisivo; *cap. non oportet; cap. Pervenit; cap. Quoniam; cap. Si Episcopus; cap. Placuit; et cap. Si quis Episcoporum dist. 18.* et expresse *cap. Sicut olim 25. de accusationibus*, ibi: *Metropolitani.... cum suis Suffraganeis Provincialia non omittant Concilia celebrare,* et Tridentin. *loco cit.* (12. Quod locum habet etiam in Episcopo electo, et confirmato, quamvis nondum consecrato. Iste enim Episcopus potest interesse Concilio, ac proinde de necessitate est ad illud vocandus. Prosper de Augustino, in *addit. ad Quarant. in Summa Bullarii verb. Concil. post qu. 6.* Barbosa ad *Concilium Trident. sess. 24. cap. 2. de reformat. n. 6.* et alii. (13. Et hoc etiam est intelligendum de Episcopis exemptis, ut est statutum in Concilio Lateranensi *sess. 10. sub. Leone X. in Constitutione incip. Regimini,* et expresse in Conc. Trident. *dict. sess. 24. cap. 2.* ibi: « Itidem Episcopi, qui nulli Archiepiscopo subjiciuntur, aliquem vicinum Metropolitanum semel eligant, in cujus Synodo Provinciali cum aliis interesse debeant, et quæ ibi ordinata fuerint, observent, et observari faciant. » (14. Episcopi tamen exempti, qui sunt in Provincia Romana, veluti qui sunt inter Provinciam Pisanam, et Capuanam, non tenentur ad talem electionem Metropolitanam; *cap. nos, de Offic. Vicar.* ex declaratione Sacrae Congregationis Concil. apud Fagnan. in *c. et si membra 10. de his, quæ fiunt a Prælati* num. 36. et Petram loc. cit. num. 30. (1). (15. Ad Concilium Provinciale vocanda sunt de necessitate Capi-

ganeos non teneri eligere Metropolitanum ad effectum conveniendi in ejus Concilio Provinciali.

Secundo, sex Cardinales Episcopos urbium Romæ adjacentium, non teneri, ut supra.

Tertio, Episcopos omnes, qui sunt inter Provinciam Capuanam, et Pisanam, non teneri eligere Metropolitanum ad effectum præfatum. Eos nihilominus, qui, vel quorum Antecessores jam semel post Tridentinum elegerunt Metropolitanum, teneri stare electioni, prout etiam Episcopos, qui a provincia Romana, inter dictas Capuanam, et Pisanam constituta, divulsi fuerunt, et assignati Suffraganei Ecclesiarum in Metropolitanam electarum, eidem subesse debere.

Quarto, Episcopos vere immediate subjectos Apostolicæ Sedi, qui sunt extra præfatam Provinciam Romanam, ubicumque locorum existentes, omnino teneri eligere Metropolitanum, juxta Decretum Concilii Tridentini *sess. 24. cap. 2. de reformat.* quatenus ipsi, vel eorum Antecessores jam non elegerint.

Quinto, Abbates, aliosque Prælatos inferiores nullius Diocesis, habentes Jurisdictionem quasi Episcopalem in Clerum, et populum, cum Territorio separato, teneri eligere Metropolitanum, ut supra.

Sexto, Episcopos, Abbates et Prælatos inferiores, qui debent, ut supra, eligere Metropolitanum,

tula Cathedralia Sede Episcopali vacante, et possunt mittere suum Vicarium Capitularem cum speciali mandato dandi vocem decisivam. Quaranta loc. cit. num. 3. quest. 4. Prosper de Augustino in *addit. ad Quarant. loc. cit. sub. num. 3. quest. 4.* Barbosa loc. cit. num. 11. Petra loc. cit. num. 35. Marchet, in *praxi Vicar. part. 2. tit. 11. numer. 17.* ubi dicit, quod cum ad Vicarium Capitularem transeat sine mandato speciali Jurisdictionis Capituli, Vicarii erit adire Concilium, et votum dare. (16. Vocanda sunt etiam, sua Sede vacante, Capitula Collegiatarum quasi Episcopalem Jurisdictionem habentia, ut decisum fuisse a Sac. Congreg. Concil. 19. Decemb. 1597. refert Sellius in *Selectis Canon. cap. 25. num. 6.* Barbosa ad Conc. Trident. *d. sess. 24. cap. 2. num. 11.* Petra loc. cit. num. 36. Fagnan. in *cap. Et si membra 10. de his, quæ fiunt a Prælati* num. 3. (17. Abbates, et alii Prælati habentes proprium Territorium, et Jurisdictionem quasi Episcopalem exercentes intra ambitum ipsius Provinciae, sunt vocandi ad Concilium Provinciale, et in eo habent votum decisivum. Prosper de Augustino *dict. verb. Concilium post qu. 3.* Barbosa loco cit. num. 8. Petra loc. cit. num. 39. (18. Procuratores Episcoporum, omniumque supradictorum quasi Episcopalem Jurisdictionem habentium, si principalibus legitime impeditis, sint cum speciali mandato deputati ad Concilium, habent votum decisivum, si Concilio placuerit. Fagnan. *cit. cap. Et si membra num. 53.* et ita rescripsisse Summum Pontificem occasione celebrationis Synodi Rothomagensis anno 1581. cum voto Sacrae Congregationis Concil. refert. ex Vanespen. Petra *l. c. n. 39.*

(19. Capitula Cathedralium, etiam vivente Episcopo, vocanda sunt, et admittenda, aut eorum Nuncii ad Concilia Provincialia, et præsertim ad ea tractanda, quæ spectant ad ipsa Capitula, textu expresso in *cap. Et si membra 10. de his, quæ fiunt a Prælati, sine consensu Capituli*, ibi: « Visum fuit nobis, et Fratribus nostris, ut Capitula ipsa ad hujusmodi Concilia debeant invitari, et eorum Nuncii ad tractatum admitti maxime

etsi non teneantur eligere viciniorem, debere tamen, juxta dictum Decretum Concilii Tridentini, vicinum eligere; quod est intelligendum de non nimis longe distante, habita ratione regionum. »

Deinde *ib. n. 15.* sic prosequitur: Inter Episcopos, qui ut Metropolitanum sibi ad prædictum effectum eligerent, a Congregatione compulsi sunt, alter Papiensis fuit, Lucensis alter, sicuti legitur in Registris prædictæ Congregationis habitæ, ut dictum est, die 28. Maii 1725. Et hi quidem plura obtinere non omiserunt, ut Metropolitanam electionem declinarent; sed eorum contentiones, et studia in irritum cesserunt rejectis eorum instantiis per eandem Congregationem habitam die 11. Februarii 1726. Cum vero felicis recor. Benedictus PP. XIII. justis, gravibusque de causis Episcopatum Lucensem in Archiepiscopatum erexerit nullo tamen ipsi adscripto Suffraganeo, ut patet ex ejus Constitutione incip. *Inscrutabili, in novo Bullario tom. 12.* et cum nos Papiensi Episcopatum unitum perpetuo voluerimus titulum Archiepiscopatus Amasæ in partibus Infidelium, sicuti videre est in nostra Constitutione, quæ incipit *Ad su-*

super illis, quæ ipsa Capitula contingere dignoscuntur. » Barbosa de *Canonicis cap. 42. num. 21.* Quaranta in *Summa Bullar. verb. Concilium Provinciale vers. quarto quæro*; Fagnan. in *cit. cap. Et si membro num. 40.* Abbas *ibid. num. 4.* (20. Immo Capitula Cathedralium admitti debent ad Concilium Provinciale etiam pro negotiis ipsa Capitula non contingentibus, ut colligitur ex verbo illo maxime adducto in *cit. textu*; talis enim dictio implicat idem esse in casu contrario; *ib. 1. § vel maxime, ff. de collat. bonor. l. Scire etiam oportet, § Sed et si maxime, ff. de excusat. tuto.* Et sic tenent in *dict. cap. Et si membra*, Vincent. Hostiens. num. 2. in *fin.* Joann. Andreas num. 3. in *verb. Maxime*, Butr. num. 6. Card. num. 3. *vers. oppone*; Ancharan. num. 5. Imola num. 4. et 5. dicens hanc partem esse veriore; Abbas, et Joann. de Anan. num. 4. ex quibus, ut refert Fagnan. *ibid. num. 13.* patet hanc esse communem opinionem. (21. Sic etiam Capitula Collegiatarum Jurisdictionem quasi Episcopalem habentia adhuc vivente suo Prælato vocanda sunt ad Concilia Provincialia, ut decisum fuisse a Sac. Congreg. Concil. refert, et tenet ex Prospero de August. Barb. de *Canonicis cap. 42. num. 22. et lib. 1. Juris Ecclesiast. Univers. cap. 31. num. 22.* Fagnan. loc. cit. n. 3. (22. Ipsa tamen Capitula sive Cathedralium, sive Collegiatarum exemptarum, quasi Episcopalem Jurisdictionem habentia, in Conciliis Provincialibus, adhuc viventibus suis Episcopis, et respective Prælati, non sunt Conjudices, nec habent votum decisivum, sed solum consultivum, in quantum scilicet sicut unusquisque Episcopus, seu consimilis Prælati cum consilio sui Capituli expedire debet gravia, et non aliter, ut in *cap. 1. de excessibus Prælati.* ita omnes Episcopi, et consimiles Prælati Provinciae ibi existentes cum consilio suorum Capitulorum expedire debent ea quæ in Provinciali Concilio aguntur; *argum. cap. Humiles, de majorit. et obedient.* (23. In Concilio enim Provinciali omnia gerenda esse de consilio Capitulorum Provinciae, dicunt expresse Hostiens. in *cap.*

premam, in nostro Bullario tom. 1. n. 74. hinc utrumque Præsul ab eligendi Metropolitanam lege immunis evasit, juxta primum superius inserti Decreti caput. Ad Episcopos vero quod spectat, qui Capuanam, et Pisanam Provinciam interjacent, multo ante fuerat pronunciatum, non adigi eos Metropolitanam eligere, sicuti videri potest *lib. 4. Decretorum Congregationis Concil. anni 1585. p. 55. Sac. etc. censuit, Decretum cap. 2. de reformat. sess. 24. non habere locum in Episcopis, qui sunt in Provincia Romana.* De Provincia Romana inter Capuanam, et Pisanam loquitur Innocentius III. in *cap. Sua nobis de Officio Vicarii.* Nos de ipsa mentionem fecimus in *superiori lib. 2. cap. 2. n. 5.* ubi etiam Provinciae Episcopi ab eligendo Metropolitanam eximuntur. Itaque alteri huic relationis capiti finem imponentes, censemus, facile ex dictis quemlibet Episcopum colligere posse, num ad eligendum Metropolitanam obstringatur, et quomodo de injuncti sibi oneris implemento docere debeat. Haec tenet laudatus Pontifex *l. c. (Edit. Venet.)*